

Dr Prinz-Eugen-Brunne

von Josef Gabriel (aus "Schwowische Gsätzle ausm Banat")

Prinz Eugen steht vor Temeschburch
Mit eener gross Armee.
Dr. Pasch ruft: „Do kummscht net durch
Was denkscht Du dann? Hehe!“

Prinz Eugen hat sei Lagerplatz
Wu Joهرmark is, des Dorf,
Un hat aus seim Erfahrungsschatz
E Kriegsplan sich entworfen.

De Pascha raacht sei Pheif un trenkt
Sei terkisch Kaffee.
Prinz Eugen awer plant un denkt
An kaiserliche Schlää.

Um Temeschburch die Sumpe han
„s Fiewer gspauzt, o weh!
Vereinzelt fangt es Sterwe an
Un immer werre's meh.

„Wär frisches, gutes Wasser do,
Noo hätt mers jo bal gschaft!“
Dem Owerscht, wo des saat, werds schroo
Er leit do ohni Kraft.

In Temeschburch de Pascha sitzt
Beim terkische Kaffee.
Kanone han jo oft geblitzt,
Er raacht un lacht – hehe!

Prinz Eugen is verdrisslich gin,
Vum Heer die Hälft is krank.
E Höll in do dem Land zu sin,
Bei so eem faule Gstank.

In seller Nacht hat er geträämt,
Er hätt e Gwitter gsiehn,
E Blitzschlach, der wu alles lähmt
Fahrt in e Aichebaam nin.

Un dorch de Schlitz war Temeschburch
Zu gsihn, ganz nächscht un kloor.
Jetzt hat er's gspiirt, dort kummt er durch,
Dort is die gringschti Gföhr.

Am anre Morjet hat er's dann
Verzählt seim General,
„Gott schickt als doch eem tappre Mann
E helle Sunnestrahl!“

De Aichebaam han se wirklich gfunn,
Vun dem de Prinz getreemt.
Dr General der froot: „Was nun?“
Is rotlos un verschämt.

Prinz Eugen awer rennt sei Schwert
Tief in de Aichestamm.
Dr Traam, der hat sich gut bewährt:
E Quell sterzt aus dem Baam!

Dran hat sei Heer sich gsund getrunck,
Es Fiewer is vergang.
Hat aa die fauli Erd noch gstunk,
Jetz wors ne nimmi bang.

Die Therke in dr Feschtung han
Kriet kaiserliche Schlää.
Dr. Pascha sucht um Abzug an
Er lacht nimmi „Hehe“

Prinz-Eugen-Brunne heescht er heit,
Wu Johrmark lebt un strebt.
Mer saat: er teelt mit uns sei Zeit,
So lang e Schwob to lebt!